

Aruba Bank ta patrocina buki pa reparti entre scolnan basico



ARUBA Bank ta orguyoso di anuncia su patrocinio di e buki nobo pa muchanan “*Rene su dushi wega*” skirbi pa Ruthy “Lady Ruth” Vrieswijk-Bergen. E buki aki lo ser reparti entre scolnan basico pa alumnonan di tercer klas pa asina inspira lectornan chikito y promove lesamento riba nos isla.

E presentacion y bautismo oficial di e buki a tuma luga na UNOCA dia 15 di januari 2025. E evento aki a celebra e lansamento di e buki, skirbi pa captura e imaginacion di mucha mientras ta stimula e amor pa lesa. Esnan presente tabata tin e oportunidad pa topa cu e autor y p’asina haya su firma den nan buki.

E iniciativa aki ta cuadra cu e compromiso di Aruba Bank cu ta kere den e desaroyo di lesamento y educacion den nos comunidad. E banco ta kere cu inversion den e educacion di nos muchanan ta un inversion den e futuro di Aruba.

E donacion di Aruba Bank lo percura cu alumnonan di un scol basico na Aruba por tin acceso na “*Rene su dushi wega*”, cu ta conta un historia inspirante tocante e felicidad di un mucha su infancia y balornan. E buki lo ta disponibel tambe pa cumpra den “*boekhandel*” nan rond nos isla.



f TodomarAruba @TodomarAruba TodomarAruba +297 585 0555

